

Në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të Ligjit për Shërbime Mediatike Audio dhe Audiovizuele ("Gazeta Zyrtare e Republikës së Maqedonisë" nr.184/13, 13/14, 44/14, 101/14, 132/14, 142/16, 132/17, 168/18, 248/18 dhe 27/19 dhe "Gazeta Zyrtare e Republikës së Maqedonisë së Veriut" nr.42/20, 77/21, 154/23, 55/24 dhe 193/24), dhe në lidhje me nenin 14 dhe nenin 29 paragrafi (2) të Ligjit për Mediat ("Gazeta Zyrtare e Republikës së Maqedonisë" nr.184/13, 13/14 dhe "Gazeta Zyrtare e Republikës së Maqedonisë së Veriut" nr.63/24, 74/24, 218/24 dhe 87/25), Udhëzimin për përmbushjen e detyrimeve për impresium dhe informacionin në dispozicion të përdoruesve, ark.nr.01-4443/1 datë 9.10.2018, pika 7 dhe 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masës (Tekst i pastruar) ark. nr.01-4139/1 datë 7.11.2022, Raporti me shkrim për mbikëqyrje të kryer administrative ark. nr.10-2595/1 datë 18.6.2025 dhe Konkluzionin nr. 02-3325/5 datë 7.8.2025, Këshilli i Agjencisë për Shërbime Mediatike Audio dhe Audiovizuele, në seancën e shtatë mbajtur më 7.8.2025, miratoi sa vijon:

**Aktvendim
për ndërmarrjen e masës - paralajmërim publik**

1. PUBLIKISHT PARALAJMËROHET Shoqëria Tregtare Radiodifuzive (SHTR) KANALI TV FESTA SHPKNJP Kumanovë, për shkak të shkeljes së nenit 14 të Ligjit për Media (LM), në mënyrë që transmetuesi në kuadër të shërbimit programor televiziv të transmetuar më 3 qershor 2025, nuk i publikoi të dhënat për impresium të programit fetar "Kurani Fisnik me titra shqip" dhe programi kulturor - artistik "80 Vjet Dituri" Sh.F.K "Bajram Shabani".

Shkelja në paragrafin 1 të kësaj pike është specifikuar në Raportin me shkrim për mbikëqyrje të kryer administrative, ark.nr.10-2595/1 datë 18.6.2025, i cili është pjesë përbërëse e këtij Aktvendimi si Shtojcë nr. 1.

2. URDHËROHET që SHTR TV KANAL FESTA SHPKNJP Kumanovë, në afat prej 20 (njëzet) ditësh nga dita e pranimit të Aktvendimit, të harmonizojë veprimtarinë e saj me dispozitat e LM.

3. Pas skadimit të afatit përcaktuar në pikën 2 të këtij Aktvendimi, të kryhet mbikëqyrje kontrolli për të përcaktuar nëse subjekti i mbikëqyrjes, i cekur në pikën 1 të këtij Aktvendimi, ka vepruar sipas aktvendimit.

4. Ky Aktvendim është përfundimtar dhe data e miratimit të tij konsiderohet dita e çertifikimit në Arkivin e Agjencisë për Shërbime Mediatike Audio dhe Audiovizuele (Agjencia).

A r s y e t i m

Agjencia, në bazë të nenit 29 të Ligjit për Shërbime Mediatike Audio dhe Audiovizuele (LSHAMV) dhe nenit 29 të Ligjit për Median (LM), është kompetente për të kryer mbikëqyrje administrative të veprimtarisë së botuesve të medias nga aspekti i harmonizimit të veprimtarisë me detyrimet e përcaktuara në nenet 6, 8, 14 dhe 15 të LM.

Në përputhje me nenin 23 paragrafi (1) nënparagrafi 1 të LSHMAAV, Këshilli i Agjencisë kundër botuesi të medias (transmetuesi) ndërmerr masë - një paralajmërim publik në rastet kur është kryer cënim ose shkelje të dispozitave të LSHMAAV dhe aktet nënligjore të miratuara në bazë të Ligjit të njëjtë, si dhe të kushteve dhe detyrimeve të përcaktuara nga leja dhe aktet e tjera të Agjencisë.

Në përputhje me nenin 29 paragrafi (2) të LM, masat që Agjencia, si organ rregullator kompetent, mund të ndërmarrë dhe të cilat janë përcaktuar në LSHMAAV, zbatohen gjithashtu dhe në rast të shkeljes së dispozitave të LM.

Sipas nenit 14 të LM, botuesi i medias është i detyruar në vend të dukshëm për çdo bartës individual të përmbajtjes (për shembull, kopje të medias së shtypur, emisioni televiziv dhe në pjesën impresium të mediave online – internet portale) të ofrojë publikimin e të dhënave të mëposhtme: emri dhe adresa e selisë dhe redaksisë së botuesit të medias, emri i personit përgjegjës të botuesit të medias, emri dhe mbiemri i kryeredaktorit, pra redaktorëve në përputhje me organizimin e brendshëm të redaksisë dhe emri, adresa e shtypshkronjës dhe data e shtypjes ose ribotimit, si dhe numri i kopjeve të shtypura, kur bëhet fjalë për media të shtypit. Për transmetuesit, detyrimi i mësipërm zbatohet në atë mënyrë që të dhënat të publikohen në fillim ose në fund të programeve audio/audiovizuale. Botuesi i medias është i detyruar në vend të përshtatshëm për secilën përmbajtje të publikojë të dhënat e mëposhtme: emrin dhe mbiemrin e autorit të shtojcës së publikuar, emrin dhe mbiemrin e personit, përkatësisht firmës që mban të drejtën autoriale për përmbajtjen e publikuar, përveç në mediat e shtypura dhe programet në radio, datën e produksionit (muaji dhe viti) kur bëhet fjalë për vepër audio/audiovizuale, origjinën e veprës audio/audiovizuale, dhe nëse vepra është krijuar nga produksion i pavarur dhe informacion rreth saj, emrin e personit juridik, përkatësisht emrin dhe mbiemrin e personit që ruan pronën kulturore ose veprën arkivore të përdorur, përkatësisht produksionit përkatës dhe emrin e botuesit të medias nga i cili është marrë shtojca programore ose fragmenti nga shtojca e programit, përveç nëse me marrëveshje të ndërsjellë nuk është përcaktuar ndryshe.

Në përputhje me pikën 6 të Udhëzimit për përmbushjen e detyrimeve për impresium dhe informacionin në dispozicion të përdoruesve, ark.nr.01-4443/1 datë 9.10.2018, për programe të tjera të prodhimit vendor, impresium publikohet në atë mënyrë që: në shpikën e hapjes ose të mbylljes publikohen të dhënat e mëposhtme: emri dhe mbiemri i kryeredaktorit të shërbimit të programit; emri dhe mbiemri i kryeredaktorit të redaksisë nga e cila buron programi (nëse ka); emri dhe mbiemri i redaktorit/autorit/prezantuesit të emisionit; emri dhe mbiemri i bashkautorëve, përkatësisht i gjithë ekipi televiziv me pjesëmarrje në tërësinë e veprës audiovizuale; emri i subjektit që e prodhoi programin (vetë transmetuesi, bashkëproducentë, producent i pavarur të cilit i është porositur programi) dhe data e produksionit (muaji dhe viti). Nëse është e aplikueshme, duhet të publikohen dhe të dhëna për: emrin e personit juridik, përkatësisht emrin dhe mbiemrin e personit që ruan pronën kulturore të përdorur ose veprën arkivore, përkatësisht riprodhuesin e veprës, dhe emrin e subjektit tjetër nga i cili është marrë shtojca e caktuar ose pjesë e shtojcës, përveç nëse me marrëveshje të ndërsjellë nuk është përcaktuar ndryshe..

Në kuadër të kompetencave të saj ligjore, Agjencia, përmes Sektorit për çështje programore, më 18 qershor 2025, ka kryer mbikëqyrje të rregullt administrative (monitorim) të shërbimit programor televiziv të SHTR TV KANAL FESTA SHPKNJP Kumanovë, transmetuar më 3 qershor 2025, ku është konstatuar shkelje të nenit 14 të LM. Nga mbikëqyrja u konstatua se në kundërshtim me LM dhe Udhëzimit për përmbushjen e detyrimeve për impresium dhe informacionin në dispozicion të përdoruesve, pa impresium janë transmetuar: programi fetar "Kurani Fisnik me titra shqip" dhe programi kulturor - artistik "80 Vjet Dituri" Sh.FK "Bajram Shabani". Domethënë, në vend të përshtatshëm, për çdo përmbajtje të shërbimit programor, transmetuesi është i detyruar të transmetojë të dhënat që identifikojnë autorët që kanë marrë pjesë në përgatitjen e përmbajtjes: emrin dhe mbiemrin e kryeredaktorit të shërbimit programor; emrin dhe mbiemrin e kryeredaktorit të redaksisë nga e cila buron programi; emrin dhe mbiemrin e redaktorit/autorit/prezantuesit të emisionit; emrin dhe mbiemrin e bashkautorëve, pra të gjithë ekipit televiziv me pjesëmarrje në tërësinë e veprës audiovizuale; emrin e subjektit që ka prodhuar programin; datën e produksionit.

Shkelja e pikës 1 të këtij Aktvendimi, është specifikuar me datë, titull të emisionit, periudhë transmetimi (fillim dhe mbarim) dhe përshkrim në Raportin me shkrim për mbikëqyrje të kryer administrative, ark.nr.10-2595/1 datë 18.6.2025, i cili është pjesë përbërëse e këtij Aktvendimi si Shtojcë nr. 1.

Në përputhje me nenin 23 paragrafi (3) të LSHMAAV, Këshilli i Agjencisë drejtuar SHTR TV KANAL FESTA SHPKNJP Kumanovë, më 19.6.2025, ka dërguar Shkresë me nr.y në ark.10-2595/2 datë 19.6.2025, me të cilën dorëzoi Raportin me shkrim për mbikëqyrje të kryer administrative, ark.nr.10-2595/1 datë 18.6.2025, me qëllim që në afat prej 7 (shtatë) ditësh nga dita e pranimit të shkresës, drejtuar Këshillit të Agjencisë të dorëzon deklarin me shkrim për shkeljen e kryer të dispozitave të LM. Shkresa u pranua në mënyrë të rregullt nga transmetuesi më 23.6.2025. Në afatin e parashikuar, SHTR TV KANAL FESTA SHPKNJP Kumanovë nuk u deklarua për shkeljen e kryer të dispozitave të LM. Këshilli i Agjencisë, në seancën e mbajtur më 7.8.2025, shqyrtoi lëndën Raport

me shkrim dhe konkludoi që SHTR TV KANAL FESTA SHPKNJP Kumanovë t'i shqiptohet masë – paralajmërim publik.

Rrjedhimisht nga sa më sipër, në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të LSHMAAV, dhe në lidhje me nenin 14 dhe neni 29 paragrafi (2) të LM, Udhëzimin për përmbysjen e detyrimeve për impresium dhe informacionin në dispozicion të përdoruesve, pika 7 dhe 14 të Udhëzimit për përcaktimin e aftit për veprim sipas aktvendimeve të Agjencisë për ndërmarrjen e masës (Tekst i pastrua), Raportin me shkrim për mbikëqyrje të kryer administrative ark.nr.10-2595/1 datë 18.6.2025 dhe Konkluzionin ark.nr.02-3325/5 datë 7.8.2025, për konstatim të mosrespektimit të dispozitave të LM, përcaktuara në pikën 1 të këtij Aktvendimi, Këshilli i Agjencisë në seancën e shtatë mbajtur më 7.8.2025, miratoi Aktvendim me të cilin publikisht paralajmëron SHTR TV KANAL FESTA SHPKNJP Kumanovë, dhe urdhëron që në afat prej 20 (njëzet) ditësh nga dita e pranimit të Aktvendimit të harmonizojë veprimtarinë e saj me dispozitat e LM. Pas skadimit të afatit përcaktuar në pikën 2 të këtij Aktvendimi, Agjencia të kryejë mbikëqyrje kontrolli me qëllim që të përcaktojë nëse subjekti i mbikëqyrjes, i cekur në pikën 1 të këtij Aktvendimi, ka vepruar sipas Aktvendimit.

Në përputhje me nenin 24 të LSHMAAV, ky Aktvendim është përfundimtar dhe kundër këtij aktvendimi transmetuesi ka të drejtë padie për ngritje të kontestit administrativ para gjykatës kompetente. Padia për ngritjen e kontestit administrativ paraqitet në afat prej 30 ditësh nga dita e pranimit të aktvendimit.

Bazuar në sa më sipër, u miratua aktvendim si në dispozitiv.

Shtojcë (1):

1) Raport me shkrim për mbikëqyrje të kryer administrative, ark.nr.10-2595/1 datë 18.6.2025 .

Përktheu:Antoneta Shabani

**Agjencia për Shërbime Mediatike
Audio dhe Audiovizuele
Kryetari i Këshillit,
Mr. Sasho Stefanovski**

Këshillë juridike: Kundër këtij aktvendimi transmetuesi ka të drejtë padie për ngritje të kontestit administrativ para gjykatës kompetente. Padia për ngritjen e kontestit administrativ paraqitet në afat prej 30 ditësh nga dita e pranimit të aktvendimit.